

全
浙
詩
話

全浙詩話卷十一

會稽陶元藻篁村輯

男

廷珍

編次

廷琬

仁和朱文藻映澹

參訂

同邑宗聖垣芥颿

宋

羅適

適字正之號赤城寧海人治平三年進士仕至
提點兩浙京西刑獄著易解及赤城集一百卷

三台詩錄

邵邑志載公慈母石古風一篇今陳白沙

集中亦有之馮蒿菴辨白沙以徵聘辭歸終養與詩中
薄俸堪奉雙親已逝語全不類定爲公作

賈仲穎

仲穎永嘉人

詩衡 仲穎詩世所傳者五言有燈花寒影裏詩句雨
聲中七言有盡開窗戶容秋月徧倚闌干看晚山等句
真絕妙好辭

趙抃

抃字閱道衢州西安人進士及第歷官龍圖閣直
學士知成都神宗朝擢參知政事以資政殿

大學士出知外郡加太子少保致政卒贈太子

少師諡清獻有集

石林詩話

趙清獻以清德服一世平生蓄雷氏琴一

張鶴與白龜各一所向與之俱始除帥成都蜀風素侈
公單車就道以琴鶴龜自隨蜀人安其政治聲藉甚元
豐間既罷政事守越再移蜀時公將老矣過泗州渡淮
前已放鶴至是復以龜投淮中既入見先帝問曰聞卿
前以匹馬入蜀所攜獨琴鶴廉者固如是乎公頓首謝
故其詩有馬尋舊路如歸去龜送長淮不再來之句自
紀其實也

蓉塘詩話

宋趙岷倅溫州時其父清獻公致仕家居
岷迎以就養作堂名戲綵公題詩堂中云我憩堂中樂
可知優游踰月竟忘歸老萊不及吾兒少且著朱衣勝
綵衣

澠水燕談

治平初龍圖閣直學士趙公抃鎮成都有
張山人者數至李道士舍一日語李曰龍圖公促治裝
行當入覲且參大政矣趙聞而異之未幾果應召命乃
參政柄及鎮青社熙寧五年張遺書云當來相見公大
喜久之無驗至秋公奉詔在領成都方悟曰山人言來
乃吾當去也將行先寄張云不同參政初時入

謂呂參政也

學尚書兩度來

謂張乖崖

到日先生應笑我白頭猶自走塵

埃

柳亭詩話

趙清獻自成都被召還朝宿黃鄉驛有詩

曰被召趨朝景物疎兩當中夜宿中途蓋驛在兩當縣也九域志縣在鳳州城西圖經云東京西蜀至此道里適均故以爲名老杜有宿兩當縣具侍御宅詩

居士傳

錄節

趙閱道年四十餘屏去聲色居常蔬食容

心宗教初在衢與慧來禪師遊慧來不容措一辭及在青州時時冥坐忽聞雷震大悟作偈曰默坐公堂虛應凡心源不動湛如水一聲霹靂頂門開喚起從前自家

底慧來聞而笑曰趙閱道撞彩耳元豐初以太子太保
致仕作高齋居之禪誦精嚴日延一僧與之對飯嘗作
偈曰腰佩黃金已退藏箇中消息也尋常時人要識高
齋老只是柯村趙四郎

按清獻之祖名湘字叔靈淳化三年進士亦工詩如
春夕偶作云酒醒風傍池邊起坐久月從花上來贈
張處士云江客對棋曾賭鶴野僧分屐借登山方廣
寺石橋云多年無客過落日有雲歸秋夜李氏西齋
云雨餘逢月色風靜
得琴聲皆佳句也

任大中

大中字子固三衢人老於儒學作詩寒古趙清

獻善之

漁隱叢話 潘子真詩話云任大中子固三衢人老於
儒學作詩寒苦趙清獻喜之其集中有云莫管流年一
擲梭花前對酒且高歌命中若有終須有到底無時不
奈何嘗從清逸老人遊西山夜宿翠巖聯句蒼龍天矯
西北來鑿破明珠成碧岫任何人衆空起樓閣地靈不
敢藏餘秀潘鎖窗雲重衣巾潤梳木風清肌骨透任客
來一夜與僧談氣覺浩然充宇宙潘

毛維瞻

維瞻西安人

兩浙名賢錄

維瞻以詩名與趙抃同里相得爲山林

之樂元豐中出知筠州政平訟理民歡然樂之時蘇轍
監筠州酒稅相與唱和有鳳山八詠山房卽事詩傳誦
藝林

蘇麟

麟杭州縣屬巡檢

清夜錄 范文正鎮錢塘兵官皆被薦獨巡檢蘇麟不
見錄乃獻詩云近水樓臺先得月向陽花木易爲春公
卽薦之

江公著

公著字晦叔睦州建德人治平四年進士歷提

點湖南刑獄京西轉運使

宋詩紀事 江公著久旱微雨作雲葉紛紛雨脚勻亂
花柔草長精神雷車却碾前山過不灑原頭陌上塵能
改齋漫錄江公著初任洛陽尉作久旱微雨詩司馬文
正公見之修刺謁江且爲稱薦由是知名

陸 佃

佃字農師山陰人熙寧三年擢甲科徽宗朝仕
至吏部尚書右丞罷知亳州卒入黨籍有陶山
集

能改齋漫錄

韓子華兄弟宰相門有梧桐京師人以

桐木韓家呼之以別魏公也子華下世陸農師作挽章云棠棣行中排宰相梧桐名下識韓家蓋紀實也

按農師乃放翁之祖常受經於王安石哲宗登極去安石之黨士多諱變所從會安石卒佃率諸生哭而祭之識者嘉其無向背然安石當國時首問新政佃曰法非不美但推行不能如初意故反病民則佃亦未嘗阿附安石者及徽宗朝以尚書左丞執政持論多近恕惟惡奔競用人必循資格時欲更懲元祐餘黨佃爲上言不宜窮治又嘗篤於友誼有同官胥旦先死一夕夢旦來告已得請爲牛轅於錢瑯次日佃詰其處牛果淚下但買歸則帳忽之已而震死葬於犬亭山生平以經學自負詩非所尚故不多作其送人之潤州有江湖天地農桑早水竹人家枕簟清之句頗佳

關 澣

澣字子容景仁子熙寧六年進士餘杭令

宋詩紀事 關辨有二絕句云野艇歸時蒲葉雨
縑車鳴處棟花風江南舊日經行地盡在於今醉夢中
寺官小未朝參紅日半竿春睡酣爲報鄰鷄莫驚起且容
殘夢到江南春渚紀聞云關氏詩律精深妍妙世守家
法此子容詩世傳以爲東坡先生作非也

朱服

服字行中烏程人熙寧六年進士哲宗朝歷中
書舍人禮部侍郎徽宗朝加集賢殿修撰知廣
州黜知袁州再貶蘄州安置子或爲萍洲可談
宋史 服知廣州哲宗旣詳服賦詩有孤臣正泣龍鬚

草之句爲部使者所上黜知袁州

萍洲可談 先公崇寧元年帥廣州正月遊蒲澗見遊人簪鳳尾花作口號一聯云孤臣正泣龍鬚草遊子空簪鳳尾花蓋以被遇先朝自傷流落監司乃指此句爲罪其誣註云契勘正月十六日哲宗皇帝已大祥豈是孤臣正泣之時鞠獄竟無他意護口可畏如此

俞紫芝

紫芝字秀老金華人流寓揚州

石林詩話 紫芝工詩王荊公尤愛重之每見於詩所謂公詩何以解人愁初日芙蓉映碧流未怕元劉爭獨

步不妨陶謝與同遊是也嘗有夜深童子喚不起猛虎
一聲山月高之句尤爲荆公所賞和云新詩比舊仍增
峭若許追攀莫太高紫芝卒於元祐初惜無發明者不
得與林和靖一流概見於隱逸

詩人玉屑 有時俗事不稱意無限好山都上心俞秀
老句荆公手寫於扇山谷書釣魚船上謝三郎一帖在
金山寺雞林每入貢輒市數百本以歸亦秀老句也

接有時俗事一聯世說傳誦而其全首竟無有人能
述之者今姑載於此其詩題乃旅中論懷也詩云自
浪紅塵二十春就中奔走費光陰有時俗事不稱意
無數好山都上心一面琴爲方外友數篇詩當素中
金會須將爾同歸去家在碧溪烟樹深又歲抄山中
云石亂雲深客到稀鶴和殘雪在高枝小軒日午貪

清睡門外春風過不知又有句云莫怪野

人經宿住白蘋霜落蟹螯肥俱有清趣

又按紫芝有弟名濬字清老志亦高潔工詩其詩名
數帚集金華己久無傳本嘗往見王荆公謂曰吾欲
去爲浮屠貧無錢買祠部荆公欣然爲置祠部約日
視髮過期問故曰吾思僧亦不易爲公所贈已付酒
家債故券矣荆公默然而去其
疎野豪放當更甚於秀老也

唐 默

默字存中會稽人

會稽縣志 唐默字存中博極羣書又辭高古陸農師
列爲上客尤愛其詩如詠山居云茆屋不聞雪紙窗宜
讀書茗云山林誤採鎗旂信却怪枝頭雪未消禱雨云
下僚應有隨車喜遙見枝頭少女風送高應彥云莫似

君家三十五來時不寄一行書皆奇句也

求仲弓

仲弓字德夫黃巖人熙寧九年特科與王荆公
爲文字交仕終樂平令

三台詩錄 德夫題靈龜潭詩云江湖雖濶多罾網幽
澗空虛且晏眠待我功成買隻鶴歸來伴汝一千年一
洗賦景象物套語却仍無一字不曲與題赴

洪皓

皓餘杭人熙寧進士

雲齋廣錄 餘杭進士洪皓熙寧中遊太學十年不歸

其父垂白作詩寄語曰太學何蕃且一歸十年甘旨誤
庭闈休辭客路三千遠須念人生七十稀腰下雖無蘇
子印篋中幸有老萊衣歸時定約春前後免使高堂賦
式微

按全閩詩話及宋詩紀事
俱作閩人蓋其舊籍也

王介

介字仲父衢州人以制舉登第性聰穎而任氣
多忤時以故不達終於館職知州

漁隱叢話 東軒筆錄云王介性輕率語言無倫時人
以爲心風與王荆公舊交熙寧中自省判出守湖州荆

公作詩送之曰吳興太守美如何柳惲詩才未足多遙想郡人迎下擔白蘋洲上起蒼波其意以水值風卽起波也介論其意遂和十篇盛氣而誦於荆公其一曰吳興太守美如何太守從來惡祝鮀生若不爲上柱國死時猶合代閻羅荆公笑曰閻羅見闕速赴任

石林詩話 王介博學善譏諛嘗舉制科不中與王荆公遊甚欵然未嘗降意少相下熙寧初荆公以翰林學士被召前此屢召不起始受命介以詩寄云草廬三顧動幽蟄蕙帳一空生曉寒用蕙帳事蓋有所諷荆公得之大笑他日作詩有丈夫出處非無意猿鶴從來不自

知之句蓋爲介發也

明道雜志 王仲父詩多用助語足句有送人應舉詩
落句云上林春色好攜手去來兮又贈人落第詩云命
也豈終否時乎不暫留勉哉藏素業以待歲之秋此前
古未有也平生所嗜惟書不治他事其談語多用故事
淺聞者未易曉知湖州日判司理請覆檢官狀云督郵
所由得此狀遍尋督郵無知者乃復入白之介曰督郵
卽錄參也據爾如此全不讀書聞者大笑

錢 暄

暄字載陽惟演子杭州人累官至寶文閣待制

所至多惠政

台州府志 熙寧四年暄守台州累石修城以水至漂
溢鑿湖以受衆水凡一萬六千步有共樂堂流盃亭在
湖心題詩云疏就湖山秀氣濃花林茂列景爭雄管絃
交奏客惟合臺榭競登人喜同環障鷺行飛早晚平波
魚陣掠西東荒蕪芟去成佳致換得汀洲月與風

沈 偕

偕字君與湖州人元豐二年進士

齊東野語 賈耘老隱苕城南橫塘上沈以詩遺之蟹
得詩不樂和韻詆之沈得報怒曰吾聞賈多與郡將往

還預政言人短長曾爲人所訟吾以長上推之乃鄙我
若此復用韻報之有團雌還却勝尖雄之句賈晚娶真
氏人謂賈秀才取真縣君以爲笑沈所指爲此賈尋悔
之而戲語已傳播矣

華 鎮

鎮字安仁會稽人元豐二年進士官至朝奉大
夫

寶慶會稽續志 安仁好博學古工詩文嘗爲會稽覽
古詩百餘篇歷家史策旁考傳記以及稗官瑣語所載
記咸見採摭傳崧卿稱其詞極清麗興寄深婉足以垂

觀來者

康熙己亥紹興府志 會稽覽古詩華鎮撰其詩百餘篇凡山川人物上自虞夏至於五季及宋有所傳者皆序而詠歌之今其書亦罕傳

于有聲

有聲字君實黃巖人

黃巖縣志 有聲嘗舉浙漕己而謝去放浪江湖持其錦囊詩一帙歸謂家人曰平生事業盡在是矣

丁注

注字葆光□□人官永州知州

書錄解題

葆光喜爲歌詞世所傳催雪無悶及重午

清明皆有承平閒雅氣象

臧詢

詢字公獻安吉人世居梅溪元豐二年進士調

縣尉歷諸王府記室參軍

茗溪集

詢爲文章不蹈襲前輩一語落筆數十言淹

刻可待尤喜爲詩辭格雄麗士大夫往往傳誦之有文集十卷傳於家

薛昂

昂字肇明錢塘人元豐八年進士附蔡京仕至

尚書左丞靖康初責徽州居住

能改齋漫錄 荆公在鍾山下棋薛門下昂與焉賭梅花詩一首薛敗而不善詩荆公爲代作今集中所謂薛秀才者是也薛旣宦連出知金陵或者嘲以詩曰好笑當年薛乞兒荆公坐上賭梅詩而今又向江東去奉勸先生莫下棋薛書名似丐字故人有乞兒之喻

姑蘇筆記 薛昂附蔡京君臣慶會閣詩云逢時可謂真千古拜賜應須更萬回人謂之薛萬回

葉祖義

祖義字子由婺州人登科爲杭州教授

夷堅志 子由少游太學天資滑稽嘗曰世間有不分
曉事吾以一聯詠之醉來黑漆屏風上草寫盧仝月蝕
詩

周邦彥

邦彥字美成錢唐人官至順昌府提舉洞霄宮
自號清真居士有文集

話腴 美成自號清真二百年來以樂府獨步貴人學
士市儂妓女皆知美成詞爲可愛至於詩歌自經史中
流出當時以詩名家如晁張皆自歎以爲不及

咸淳臨安志

節錄

邦彥少涉獵書史遊太學有雋聲元

豐中獻汴都賦七千言多古文奇字神宗嗟異命左丞
李清臣讀於邇英閣多以偏傍言之不盡悉也徽宗卽
位召對崇政殿上問汴都賦其詞云何對以歲月久不
能省憶用表進入帝覽表稱善邦彥能文章妙解音律
名其堂曰顧曲樂府盛行於世人謂之落魄不羈其提
舉大晟亦由此然其文識者謂有工力深到處聲鏡鳥
凡之銘有鄭圃漆園之風禱神之文傲送窮乞巧之作
不但詞調而已有集二十四卷

俞退翁

名未詳字退翁湖州人有溪堂集

平園續彙 四朝國史於遺逸中立俞退翁傳大概用
孫莘老所作墓表惟自西川召爲御史力辭不拜墓表
但云以闕員召傳乃謂王介甫藉其清望使擊故老夫
清德安肯妄發介甫用人寧不察此竊疑滕元發嘗倅
湖州退翁郡人熟知其賢觀所贈詩帖卽可知矣當熙
寧元年神廟待元發方厚擢爲中丞合舉臺屬退翁之
召必以其薦是歲十二月元發改翰林明年春介甫得
政素惡元發出之於外知幾而退是乃所以爲退翁况
舉主補外自應視以爲去就耶墓表不書其由莘老亦
嘗攻元發故也退翁子孫甚盛且多顯者今其元孫徵

入爲廷尉屢更麾節純誠厚德克世其家因示溪堂集
附此說於後使來者有考焉

沈遼

遼字睿達錢塘人邁弟

咸淳臨安志

遼長於歌詩尤工翰墨王安石曾布

皆學其筆法安石得其清勁布得其真楷遼登第後遊
京師偶爲人書裙帶內侍買入禁中神宗初嗣位厲精
求治一見不悅會遣使察訪兩浙就以諭之時遼爲吳
縣令遂遭劾安石救之不能釋乃坐削籍後卜居池陽
有集號雪巢編行於世

劉燾

燾字無言長興人詎之子元祐三年進士仕爲
祕閣修撰有見南山集

宋詩紀事 劉燾題召伯埭斗野亭詩云地勢如披掌
天形似覆盤三星羅戶牖北戶挂闌干晚色芙蓉靜秋
香桂子寒更無山礙眼剩覺水雲寬庶溪詩話云此詩
題梁間盡得斗野景物

翁元龍

元龍字時可號處靜四明人寓黃巖

台州府志 翁時可號處靜黃巖人善樂府杜清獻公

範稱之曰如絮浮水如荷濕露縈旋流轉似露非着豈非游戲翰墨之妙

三台詩話 翁元龍字時可號處靜與吳文英爲親伯仲於詞各有所長處靜爲杜成之丞相客杜稱其樂府筆墨之妙如絮浮水荷濕露縈旋流轉似露非着其瑞龍吟江城子等闕皆卓然可傳又如拘蓮舉藕絲藕斷絲難斷彈水沒鴛鴦爲教尋波底香真花間語也本四明產因流寓黃巖旣久故郡縣遂以爲台人

錢 魏

魏字穆父會稽人彥遠之子以蔭知尉氏縣元

祐中知開封召拜戶部侍郎進尚書加龍圖閣直學士再加開封後命爲翰林學士兼侍讀因忤章惇罷知池州卒於官年六十四

咸淳臨安志

魏字穆父授流內詮主簿奉使高麗

餽餽皆不納元祐間爲給事中三知開封府紹聖初拜翰林學士兼侍讀魏以從父明逸任入官嘗舉賢良方正召試祕閣不中與蘇軾游最久魏守越日軾守杭詩筒響答時人比之元白

武林紀事

蘇字呂父吳越王後以孝義知名居杭州

錢塘門外九里松之間建傑閣藏書甚富東坡榜之曰

錢氏書藏仕至直祕閣知荆南府其兄穆父有詩仲弟
岳父詩曰東方千騎擁朱輪衣錦還鄉故國春莫向西
湖戀風月鶴原知有望歸人

賈 收

收號耘老烏程人

庚溪詩話 錢塘吳山有美堂乃仁宗朝梅摯公儀出
守杭上賜之詩有曰地有湖山美東南第一州梅以上
詩名堂士大夫留題甚衆東坡倅杭因令筆吏盡錄之
而未著其姓名默定詩之高下乃以賈收詩爲魁因此
與耘老游從

按敗題有美堂詩云自刊宸畫入雲端神物應須護
翠辭吳越不蕪千里色斗牛嘗占一天寒四簷望盡

回頭嬾萬象搜來下筆難誰信

靜中疎拙意畧無踪跡到波瀾

又按賈收稟於詩酒居湖州定安門內有水閣曰浮

暉家素貧蘇軾守郡時每念之嘗作古木怪石書其

後以贈又有次韻答賈耘老詩七古一首有乘舟過

賈收水閣收不在見其子詩五律三首詩云饑寒疾

病爲子憂又云淚垢添丁面貧低舉案蛾蓋

傷之也後軾去收作亭名曰懷蘇以誌感云

顏幾

幾字幾聖錢塘人

春渚紀聞 錢塘顏幾聖俊偉不羈性復嗜酒無日不

飲東坡先生臨劄日適當秋試於場中潛代一豪子劉

生者遂魁送舉子致訟下幾吏久不得飲密以詩付獄

吏送外間酒友吏以呈坡坡因緩其獄會赦得免一日
醉卧西湖寺中起題壁云白日尊中短青山枕上高不
數日而卒

毛滂

滂字澤民衢州人爲杭州法曹任滿去抵富陽
以詞爲東坡所賞追還知名後乃出京下之門
嘗知武康縣政和中守嘉禾有東堂集

揮塵後錄 毛澤民受知曾文肅擢置館閣文肅南遷
坐黨與得罪流落久之蔡元度鎮潤州與澤民俱臨川
王氏堦澤民傾心事之一日家集觀池上鴛鴦元度席

上賦詩云莫學饑鷹飽便飛澤民和呈曰貪戀恩波未肯飛元度夫人笑曰豈非適從曾相公池中飛過來者乎澤民大慚

困學紀聞 毛澤民詩不須買絲繡平原不用黃金鑄子期木李賀貫休詩

陸蒙老

蒙老字元光歸安人

兩浙名賢錄 歸安陸蒙老博學善吟咏嘗爲晉陵宰時州幕官有好讒同列者一日同會聞蟬幕爲陸曰君可吟此陸卽席詠曰綠陰深處汝行藏風露從來是稻

梁莫倚高枝縱繁響也應回首顧螳螂其人聞之少戢
徐崇之

崇之杭州人

春渚紀聞 東坡帥杭日與徐璠全父坐雙檜堂指二
檜曰二疏辭漢去璠應聲曰大老入周來公爲擊節久
之繼而其子崇之亦復少年俊偉落筆千字有人得山
谷道人清江詞示之崇之曰山谷當今作者所知漁父
止此耶或請爲賦援筆立就其末云魯邦司寇陳義高
三閭大夫心徒勞相逢一笑無言說去宿蘆花又明月
識者奇之

李甲

甲字景元海鹽人自號華亭逸人以填詞作畫聞於時

攜李詩繫李甲景元自號華亭逸人畫翎毛有意趣
趣管畫竹於嘉興景德院東坡過之題詩曰聞說神仙
郭恕光醉中狂筆勢瀾翻百年寥落何人在只有華亭
李景元甲亦有和詩見柳志

鮑慎由

慎由字欽正龍泉人舉進士

東都事畧 慎由少從王安石學又嘗親炙蘇軾故其

文汪洋闊肆而詩尤高妙徽宗召對除工部員外郎歷
廣西淮南轉運判官又知海州卒嘗註杜詩有文集五
十卷

陳汝錫

汝錫字師予青田人紹聖四年進士浙東安撫
使有鶴溪集

處州府志 師予善屬文或以其詩示黃庭堅有閒愁
莫浪遣留爲痛飲資黃擊節稱賞曰我輩人也

沈括

括字存中湖州人嘉祐中進士累官太子中允

提舉司天監

因話錄 祠部俗謂之冰廳冰字唐書音作去聲歐陽文忠公詩乃有獨宿冰廳夢帝關冰字作平聲用文忠公誤矣而沈存中作江南春意樂府詞云艇子隔溪語水光冰玉壺冰字自音去聲則知冰字可以作去聲音故存中特著於此

江公望

公望字民表睦州人舉進士建中靖國初由太常博士拜左司諫以直龍圖閣出知壽州入黨籍編管南安車赦還卒建炎中贈右諫議大夫

宋詩紀事 江公望題良岳句云春光吳地減山色上
林深劉後村跋云江公望題良岳比之鄧肅花石綱詩
彼刻露而此含蓄矣

梅執禮

執禮字勝和浦江人崇寧五年進士歷戶部尚
書死靖康之難高宗朝贈資政殿學士謚節愍
庶溪詩話 勝和未冠時家貧親老無以爲養大雪中
以詩謁邑宰云有令可干難閉戶無人堪訪嬾移舟邑
令延之訓子弟方應舉未捷有詩自遣云天之未喪斯
文也吾亦何爲不豫哉

按靖康末金人寇京城羽林奔散左右大臣皆背主
事仇或有攀號鑿輅者反振刀斫之逼帝投金執禮
憤甚與宗室子助謀集軍民奪萬聖門夜擣金營迎
二帝歸時有王時雍徐秉哲恐執禮建功潛合范瓊
泄其謀執禮遂被害使執禮當曰事成二帝不至崇
應後來議和議戰何事紛紛嗟夫執禮之義同於岳
飛而雍哲之奸勝於秦檜
雖曰人事豈非天命哉

方元修

元修字時敏桐廬人

嚴陵志

時敏幼有詩名政和初審察監大觀庫後通

判濬州嘗同呂居仁趙才聊入大名幕其詩善鍛鍊視

元英初無媿初見梅花云北枝風力顧不早東閣詩情

聊一新尤爲人所誦

盧襄

舊名天驥字駿元三衢人徽宗朝避天字改名襄字贊元大觀元年進士政和六年以朝散郎出爲浙東提刑捕盜入剡靖康間拜吏部侍郎推冊張邦昌建炎初安置衡州

庚溪詩話 贊元詩篇極多向嘗得其數十首皆清拔可喜後因兵火失之尚記其贈鼓琴者曰試將鍾子山水意一洗退之冰炭腸恨失其全篇

滕茂寶

茂寶字秀穎臨安人政和八年進士初名禿徽

宗賜改焉靖康初以工部員外假侍郎使金見

留終身布衣稱宋使者歿於鴈門其友董說

咸寧

志作董說

錄其哀詞來獻詔宣副使館褒錄之紹興

二年贈龍圖閣直學士益忠節

齊東野語

茂實與路允迪樞密宋彥通翰林修撰奉

使金國割三鎮太原尋奉密詔據城不下金人怒之囚

於雲中淵聖北遷茂實冠裳迎謁拜伏號泣請侍舊主

俱行不許且誘之曰國破主遷所以留公者蓋將大用

遂留之鴈門放允迪彥通南歸先是自念必死遂囑友

人董說以奉使黃旛裹屍而葬且大書九篆字云宋使

者東陽滕茂實墓復作詩自序云茂實奉使無狀不復
返父母之邦所當從其主以全臣節或怒而與之死幸
以所仗節旛舉其屍及以所篆九字刊之石埋之臺山

咸淳志

寺下不必封樹蓋昔年病中曾遊清涼境界覺

而病愈恐亦前緣今預作哀辭幾於不達方之淵明則
不可若蘇屬國牧羊海上而五言之作始敢援此例云

其詩云壅鹽老書生終

咸淳志作認

作咸淳志作列

王都官索米

了無補從事敢辭難殊憐復

咸淳志作敗

盟好仗節來榆關

城守久不下川途望漫漫儉輩果不惜一往何當還牧
羊困蘇武假道拘張騫流離念窘東坐自序遷回來

悉已

咸淳志作言

歸我獨留塞垣形影白
弔國破家亦殘

上二句咸淳志無

呼天竟

咸淳志作

不日

傷肺肝相逢老
咸淳志

志作

兄弟悼歎安得歡

此下咸淳志有金人白

波瀾卷

大厦一木難

咸淳志作乃

求安

此下咸淳志有世事寧有此

珠散懷

就

咸淳志作縱

不

咸淳志作或

違我心詎不汗我顏昔燕

破齊王

咸淳志作土

羣臣望風奔王蠋獨守節齊

咸淳志作燕

人

有甘言經首自絕脰感慨今昔聞未嘗食齊祿徒以老

咸淳志作世

爲民况我祿數世一死何足論遠莫歿江海近

或死朝昏斂我不須衣裹屍以

咸淳志作有

黃旛題作宋臣

墓篆字富深刊我室年尚少

咸淳志作我

兒女皆

咸淳志作

當童頑咸淳志作頑

四海無置錐飄落倍悲酸誰當給衣食

使不死

咸淳志作厄

饑寒歲時一酌我猶足慰我冤我冤亦

咸淳志作自

悠悠異鄉寄沈寃他時風雨夜草木號空山後

竟以憂憤成疾殂北人哀其忠爲之起墓雁門山歲時

致祭焉後董說自振南歸上所爲詩贈直龍圖閣

咸淳志云

後諡忠節

國史甚畧予訪之北方紀錄得其實焉

按宋史言茂實出使爲金人所留金粘罕素聞茂實名乃遷之代州又自京師取其弟華實同居以慰其意欽宗自離都城舊臣無敢候問起居者茂實聞欽宗及郊迎謁拜伏號泣金人論之曰國破主遷所以留公蓋將大用迺令易服茂實力距不從請從舊主行金人不許憂憤成疾卒蓋其心苦故其詞特哀百折不回之意隱然以蘇子卿自比故此詩云牧羊困蘇武假道拘張騫流離念窘束坐閱四序遷又偶成

律詩下四句復云欲歸未得人將老屢送還來鬼亦窮賴得子卿佳傳在整冠時讀慰飄蓬又按咸淳志据實錄附傳國史忠義傳繫年錄修其中與齊東野語不同當並存以備考

左緯

緯字經臣黃巖人政和中以詩鳴有委羽居士

集

林下偶談 左緯字經臣黃巖人能詩陳了翁嘗喜其一別又經無數日百年能得幾多時之句以爲非特辭音清逸可翫味也老於世幻逝景迅速讀之能無警乎又曰苕溪漁隱載劉義落葉詩云返蟻難尋穴歸禽易見巢黃巖左經臣亦有落葉詩禽巢先覺曉燈穴未

知霜意同而工又過之矣

詩人玉屑 經臣送許少伊至白沙詩短棹無尋處巖城欲閉門水邊人獨自沙上月黃昏此二十字可謂道盡惜別之情至今使人黯然竄銷

宋詩紀事 赤城集委羽居士集黃裳序政和癸巳陳瓘跋稱其招友句一別又經無數日百年能得幾多時荆溪林下偶談謂陳了翁喜左經臣此句以爲非特辭意清遠可玩味也老於世幻逝景迅速讀之能無警乎然此乃古人已道之句戴叔倫寄朱山人云此別又萬里少年能幾時杜荀鶴送人遊江南云能經幾度別卽

到白頭時但經臣語尤婉而不切爾

三台詩話

陳了翁喜黃巖左經臣緯一別又經無數

日百年能得幾多時之句以爲詞意清逸可玩味此自
了翁有感於世幻逝景迅速故賞之耳經臣好句如蝶
隨花片落燕拂水紋飛竹窗吟聽雪苔石坐看雲試搖
枝上雪恐有夜來花顛不取專取此耶石公弼云經臣
之詩六義之雋惜其傳不多詩人玉屑載許少伊被召
左經臣追送至白沙不及賦詩云云詩林萬選又載其
送別一絕云騎馬出門三月莫楊花無賴雪漫天客情
惟有夜難過宿處先尋無杜鵑極雋永耐人尋味

陸宰

宰字元鈞佃子官朝請大夫直祕閣贈少師

宋詩紀事 陸游劍南集云先少師宣和初有贈晁公武以道詩云奴愛才如蕭穎士婢知詩似鄭康成晁公大愛賞之今逸全篇偶讀晁公文集泣而足之士不逢時勇退耕閉門自號景迂生遠聞佳士輒心許老見異書猶眼明奴愛才如蕭穎士婢知詩似鄭康成早孤遇事偏多感欲續殘章涕已傾

張闡

闡字大猷永嘉人宣和六年進士累官龍圖閣

學士左通奉大夫致仕贈少師諡忠簡

平園續稟 公父贈中奉大夫忱積善樂施公幼夢人
大書闡字曰以是名稱中奉異之勉公力學未冠由舍
選貢京師中宣和六年進士第隆興二年除顯謨閣直
學士提舉江州太平興國宮陛辭既退賦詩云入請犯
天顏今朝出漢關渾如倦飛鳥日暮傍巢還到家病薨
葬本縣建牙翟溪之原中奉公墓側初公素樂其山水
將歸老焉葬從公志也平生行事悉筆於策五十餘年
不少廢文體粹然詩尤清遠鄉人子弟多求公紀其父
兄行實諸子類成文集若干卷藩邸聖德事迹十卷經

筵講義故事若干篇奏議若干卷並藏於家

呂涓老

涓老字聖求嘉興人宣靖間朝士

攜李詩繫 呂涓老一作濱老字聖求嘉興人宣和末朝士有集不傳僅從趙師秀序其詞中得一詩稱其諷詠中卒寓愛君憂國意不但弄筆墨清新俊逸而已又有句云憂國憂身到白頭此生風雨一沙鷗又云尚喜山河歸帝子可憐麋鹿入王宮又云未湔稽紹血誰發諫臣章縉紳巨賢多錄稿家藏但不窺全帙未能爲刊行也由此序觀之則當時已無鐵本矣惜哉

全浙詩話

卷十一

五

全浙詩話卷十一終

全浙詩話卷十二

會稽陶元藻篁村輯

男

廷珍

編次

廷淑

仁和朱文藻映澗

同邑宗聖垣芥颿

參訂

南宋

帝王

后妃

高宗皇帝

帝諱構字德基徽宗第九子宣和三年封康王
靖康元年使金見留得還勤王兵奉帝至應天
府即位移蹕臨安府是為行都廟號高宗有御

製集

話腴 明之象山士子忠本有木犀忽變紅色異香因
接本獻闕下高廟雅愛之畫爲扇仍製詩以賜從臣自
是四方爭傳其本歲接數百史氏由此昌焉詩云月宮
移就日宮裁引得輕紅入畫來好向烟霄承雨露丹心
一點爲君開秋入幽叢桂影團香深粟粟照林丹夜隨
王母瑤池宴染得朝霞下廣寒

玉海 建炎三年四月壬戌上登中和堂矚稽山思夏
后之功瞰濤江懷子胥之烈製詩五月辛丑張浚至行
在復爲知樞密院上親書御製中和堂詩賜浚曰願同

越勾踐焦思先吾身卒章曰高風動君子屬意種蠡臣
淳熙十一年十一月一日丙戌宰執謝賜太上稽山詩
石上曰太上詩規模宏大所以賜卿者正欲仰體太上
之意如屬意種蠡臣之句 紹興十九年太史令胡平

言十一月十二日行禮景雲宮登輦出內天氣開明見
帝座及三台星體明耀十三日車駕至青城陰霧收斂
登壇至禮畢天氣澄肅星月明瑩回鑿肆赦有彩雲之
瑞乞宣付使館從之上因是親製喜霽詩宰輔從臣皆
和以進御製詩曰氣回俎豆羣工泰喜入貔貅萬馬秋
畫繼補遺 蕭照比李唐筆法瀟灑超逸予家舊有照

畫扇頭高宗題十四字白雲斷處斜陽轉幾曲青山獻
畫屏

西湖遊覽志餘 葛翁井相近舊有圓覺天台敎寺自
唐開山爲修證了義法師塔院宋南渡後重建高宗書
天申萬壽圓覺寺額時有僧守璋能詩所著有柿園集
高宗嘗書其晚春一絕云草深烟景重林茂夕陽微不
雨花猶落無風絮自飛復親書圓覺經及製二詩賜之
云古寺春山青更妍長松修竹翠含烟汲泉擬欲增茶
興暫就僧房借榻眠久坐方知春晝長靜中心地自清
涼人人圓覺何曾覺但見塵芳盡日忙 又曰高宗南

幸舟泊岸執政必登舟朝謁行於沮洳則躡芒鞋宰相
呂元直顧同列戲曰草履便將爲赤舄旣而傍舟水深
乃積稻稗以進參政范覺民曰稻稗聊以當沙堤 高

宗以府治爲行宮嘗題中和堂詩云六龍轉淮海萬騎
臨吳津王者本無外駕言蘇遠民瞻彼草木秀感此瘡
痍新登堂望稽山懷哉夏禹勤神功旣盛大復世蒙其
仁願同越勾踐焦思先吾身艱難務遵養聖賢有屈伸
高風動君子屬意種蠡臣嗟乎有一岳武穆不能用乃
顧思材於異代耶

按高宗有自題畫扇云萬木雲深隱連山雨未開句
頗佳古寺春山一首宋詩紀事刻入孝宗名下無第

二首疑
有訛舛

又按高宗生於大觀丁亥孝宗生於建炎丁未光宗
生於紹興丁卯陰陽家以亥卯未爲三合淳熙中孝
宗及太子朝上皇於德壽宮故周益公有一丁扶大
德三合鞏皇基之句宋宗室彥端於淳熙間壽皇太
子詩云光堯初御六龍天上直維參大火躔天
意分明昌宋德誕辰三世總丁年亦一奇也

珊瑚網 閩次平小景高宗題云西來白水滿南池走

馬池邊日暮時橋底荷花無限思幽清乞與俗人知又
題云繞池曳杖攜雙鶴架水澆花課小奴沐瑩題云東
風雙鶴喙蒼苔杖履從容一徑開分付澆花莫多水韓
郎昨夜染根來觀沐句非閩將仕筆明矣殆石城韓祐
耶祐爲紹興畫院祇候又善寫生染色可並石橋王也

來氏家譜 予來氏自漢唐間出入將相尚主而列五等之爵者數人炳煌史冊至有宋三百年僅一御史諱之部者見於正史斯則龍圖公之高祖也龍圖公以陳亮榜進士龍圖閣學士出知紹興府卒於蕭山之許寺長子因家焉而稗史中所載宋高宗幸來夫人閣得詩二語選飯朝來不喜餐御厨空費八珍盤有一儒生續之曰人間有味多嘗遍只許江梅一點酸高宗命列進士官之又西湖竹枝詞云柳洲亭下問來婆蓋當時絃索而談子平者之人也此來夫人與來婆其非蕭山之派明矣意當時扈蹕南來者龍圖公或有宗族數人與

之俱未可知也

孝宗皇帝

帝諱昚字元永太祖七世孫秦王德芳之後秀
王偁子高宗育於宮中立爲皇太子受內禪廟
號孝宗有御製集

七修類稿 孝宗以太母故加眷吳郡王益益太母弟
也秋氣向清聖意怡懌手書御札一聯云稱此一天風
月好橘香酒熟待君來命近璫持賜益益人對頓首稱
謝上笑曰聊復當折簡耳

四朝聞見錄 光堯親視南郊因過易安齋爲賦梅巖

孝宗和云秀色環亭擁霽霞修筠冰艷數枝斜東君欲
奉天顏喜故遣春融放早花高宗嘗問主僧云此梅喚
作甚梅僧對曰青蒂梅又問僧曰梅邊有藤喚作甚對
曰萬歲藤稱旨賜僧階上嘗拂石而坐至今謂之御坐
石

容齋五筆 淳熙十二年三月二十六日車駕宿戒幸
玉津園命下大雨有旨許從駕官帶雨具將曉有晴意
已而天宇豁然至晚歸邁進一詩歌詠其實云五更猶
自雨如麻無限都入仰翠華翻手作雲方悵望舉頭見
日共驚嗟天公的有施生妙帝力堪同造化誇上苑春

光無盡藏可須羯鼓共催花四月四日扈從詣景靈宮
朝獻蒙於幕次賜和篇聖製云比幸玉津園縱觀春事
適霽色可愛卿有詩來上因俯同其韻春郊柔綠徧桑
麻小駐芳園覽物華應信吾心非暇逸頓回晴意絕咨
嗟每思富庶將同樂敢務遊畋漫自誇不似華清當日
事五家車騎爛如花後二日兵部尚書宇文价內引上
舉似此詩曰洪待制用雨如麻字偶思得桑麻可押又
其末句用羯鼓催花事故以華清車騎答之价拱手稱
贊明日以相告云

庚溪詩話

孝宗不忘中興之圖每形於詩詞如新秋

雨過述懷云平生雄武心覽鏡朱顏在 又曰今上皇
帝躬受內禪踐祚以來未嘗一日斲忘中興之圖每形
於詩詞春晴有感句云春風歸草木曉日麗山河物滯
欣逢泰時豐自此多神州應未遠當繼沛中歌觀此則
規恢之志大矣

沐雲詩話 鹿何金部郎中當致仕時孝宗嘉其恬退
親揮翰墨賜號見一贈以詩云見一先生今歸故鄉逢
府州縣如朕親行給以龍亭載之先導朱文公詩云出
祖傾羣彥歸來足二賢二賢蓋指鹿伯可與石子重是
也皆道學名人

武林舊事

光堯雅愛湖山之勝恐數蹕煩民鑿大池

於北宮內引水注之壘石爲山象飛來峯有堂名冷泉
孝宗皇帝賦詩云山中秀色何佳哉一峯獨立名飛來
參差翠綠儼如畫石骨蒼潤神所開忽聞彷彿來宮囿
指顧已驚成列岫規模絕似靈隱前面勢恍疑天竺後
孰云人力非自然千巖萬壑藏雲烟上有崢嶸倚空之
翠壁下有潺湲漱玉之飛泉一堂虛敞臨清沼密蔭交
加森羽葆山頭草木舊時春閱盡歲華長不老聖心仁
智情優閒壺中天地非人間蓬萊方丈渺空濶豈若坐
對三神山日長雅趣超塵俗散步逍遙悵心目山光水

色無盡時長將挹何盃中綠

玉海 隆興二年三月二十四日作七言四韻詩有永

將四海奉雙親之句太上皇帝御製贊曰律身以道既

濟則亨煌煌競秀結液幡英 乾道八年九月虞允文

以少保節度宣撫四川上以詩送之曰不辭論道虛台

席暫假宣威築將壇歸來尚想終霖雨未許鄉人衣錦

看用李綱故事御正衙親酌卮酒賜之俾卽殿門乘馬

持節而出都人以爲寵 洪邁跋孝宗御詩謂制作之

懿播之詩章與天爲徒闢闔造化蓋與舜元首之歌湯

之盤銘漢祖沛中所作相爲表裏自橫汾瓠子以下不

足議也 孝宗詠冷泉堂曰平生雄武心覽鏡朱顏在
豈惜常憂勤規恢須廣大 淳熙元年九月十八日幸
玉津宴射賦七言詩賜曾懷以下與宴者皆和二年五
月十日製詩賜進士詹曠三年六月一日製詩書扇賜
集撰張子仁四年三月一日製衆妙堂詩賜淮東提舉
吳玘十月一日製詩賜少保史浩浩以舊學錫宴內苑
命宿於玉堂翌日有詩來上因俯同其韻賜之浩恭題
御製和詩云季秋壬子錫宴於澄碧殿命宿玉堂之直
廬是夕裁成古詩三十韻上進陛下賜以宸章俯同其
韻有曰躋民期仁壽有曰朕瘠天下肥見陛下之用心

有曰都護萬年觴何當至庭祀見陛下之立志十一月
壬戌召學士周必大至清華閣上曰朕和浩詩卿可和
以進賜詩本益茶墨進和篇云淳熙視正觀何啻相表
裏五年十月史浩除少傅賜第城中出御製長春花詩
酬和至再示眷留之意六年六月四日又賜張子仁詩
八年八月十一日又賜浩歸鄉詩十一年四月二十五
日又製詩餞浩行 淳熙五年九月十二日壬申幸祕
書省觀圖書宴右文殿翌日癸酉內出御製近體詩賜
宰臣史浩以下羣臣咸和又有賞春喜晴因想中原詩
苑中卽事詩冷泉堂古風

居易錄

玉堂雜記載孝宗和史相浩錫宴澄碧殿詩

云朕瘠天下肥至樂無易此此其所以為孝宗也歟

湖山便覽

玉堂雜記云淳熙四年九月宣召侍讀史

浩賜宴澄碧殿抵暮賜金蓮燭赴玉堂直廬進古詩二

十四韻御製俯同其韻武林舊事紀澄碧為水堂名似

卽陳記小西湖畔之澄碧也

按孝宗御製詩云揖遜荷帝堯寅恭五元禩治道貴
清淨聖言有深旨躋民期仁壽距背中道止誰歌元
首明白賴股肱喜矧予有元老中立而不倚居東
三年不遠來千里皓首持六經日侍明光裏翌乎鴻
遇風縱夾魚在水予惟日萬幾至仁同一視西成錫
小宴促坐才尺咫湛露婉歌周置酒非對齒歸美見
新詩如卿能有幾眷言澄碧行勝賞得迂趾亦屢引
公卿對此談政理虛心欲受諫忠言資造耳朕瘠天

下肥至樂無易此厥念文武彊六合尚殊軌東都會
諸侯宣王昔於是期爾罄嘉謀使我勛業起勿以方
燕頤所書聊復爾卮酒正須酬話言未能已都護萬
年鵬何密至庭祀文章藉老年直筆中興紀載嘉嬰
線翁焉能
辭肌散

理宗皇帝

帝諱昀太祖十世孫榮王希堽之子

玉海

淳祐六年十月講禮記畢錫宴秘書省御製七

言唐律一首云天高地下禮居中云云徹章賜御製詩
自此始十一年講易終篇賜詩

瀛國公

公名燾度宗子咸淳十年卽位建元德祐二年

元兵入臨安朝於上都降封開府儀同三司瀛

國公

宋詩紀事 瀛國公在燕京作有云寄語林和靖梅花
幾度開黃金臺下客應是不歸來輟耕錄云始終二十
字含蓄無限淒戚意思讀之而不興感者幾希

南宋雜事詩註 水雲集元量以琴供奉扈駕北行旣
而以黃冠放還德祐主贈之以詩宮妃屬和以勸君更
盡一盃酒西出陽關無故人分韻王清蕙陳正淑黃慧
正何鳳儀朱靜正葉靜慧孔清正鄭惠正方妙靜翁懿
淑章妙懿蔣懿順林順德袁正淑又有章麗正袁正之

金德叔總十七人其詩並見集中余家藏元量水雲集
及湖山類稿二本互有不同

按瀛國公有鸚鵡詩毛羽自然可愛仙禽不受樊籠
街得梧桐一葉中含無限秋風此詩不知作於何時
如在臨安所作則蕭娘之兆已見於辭其北狩後竟
不能歸初赴白塔寺爲僧後奉詔居甘州山寺故注
元量有懷瀛國公入西域爲僧號木波講師詩云木
老西天去袈裟說梵文生前從此別去後不相聞忍
聽北方燕愁看西域雲永
懷心未已梁月白紛紛

恭孝儀王

四朝聞見錄 恭孝儀王嘗遊天竺寺有山禽忽驚起
衝落半巖花之句死葬西湖顯明寺

憲聖吳后

后開封人高宗爲康王被選入宮卽位封和義
郡夫人進封才人紹興十三年立爲皇后孝宗
卽位上號曰壽聖太后慶元三年崩諡曰憲聖

慈烈

韻石齋筆談 憲聖能詩題徐熙牡丹云吉祥亭下萬
千枝看盡將開欲落時却是雙紅深有意故留春色緩
人思題芍藥云穠李天桃掃地無眼明驚見玉盤孟揚
州試識春風面看盡羣花總不如

楊皇后

后会稽人寧宗慶元元年封平樂郡夫人進封

婕妤又進婉儀六年進貴妃立爲皇后理宗卽位上尊號曰壽明慈睿皇太后寶慶五年崩諡曰恭聖仁烈

書畫題跋記 宋寧宗楊皇后題畫冊云風吹醉面不知寒信脚千山與萬山天登瓊塔三十里更飛柳絮與君看後書題朱銳冊賜少保有坤卦小圓印少保卽楊次山

七修類稿 楊皇后淳安人宮詞五十首詞云瑞日曠曠散曉紅乾元萬國珮丁東紫宸北使班纔退百辟同趨德壽宮元宵時節賞宮梅恭請光堯聖壽來醉裏君

王扶上輦鑿輿半仗點燈回柳枝夾雨搖新綠桃蕊含
風破小紅天上春光偏得早嗟峨宮殿五雲中溶溶太
液碧波翻雲外樓臺日月閒春到漢宮三十六爲分和
氣到人間曉窗生日已鶯啼啼在宮花第幾枝烟斷獸
爐香未歇曲房朱戶夢回時一簾小雨怯春寒禁籞深
沈白晝間滿地落花人不掃黃鸝枝上語綿蠻上林花
木正芳菲內裏爭傳御製詞春賦新翻入宮調美人羣
唱捧瑤卮海棠花裏奏琵琶深碧新翻醉九霞禁籞融
融春日靜五雲深護帝王家後苑深沈景物幽竒花名
竹并春柔翠華經歲無遊幸多少亭臺廢不修天中聖

節禮非常躬率羣臣獻壽觴天子捧盤仍再拜侍中宣
達近龍床水殿鈎簾白回風荷花簇錦照人紅吾皇一
曲薰絃罷萬族泠泠解愠中繞堤翠柳忘憂草夾岸紅
葵安石榴御水一溝清徹底晚涼晴泛小龍舟薰風宮
殿日長時靜連天機一局棋國手人人饒着處須知聖
筭更新竒宮殿鈎簾看水晶時當三伏識炎蒸翰林學
士知誰直今日傳宣與賜冰雲影低涵百子池秋聲輕
度萬年枝要知玉宇涼多少正在觀書乙夜時鎖窗宮
漏滴銅壺午夢驚回落井梧風遞樂聲來玉宇日移花
影上金鋪涼生水殿樂聲遊釣得金鱗上玉鈎聖德至

仁先不殺指揮皆放小池頭涼秋結束鬪鮮新宣入毬
場尚未明一朵紅雲黃蓋底千官下馬起居聲秋高風
動角弓鳴健背常嫌斗力輕玉陛纔傳看御箭中心雙
中謝恩聲思賢夢寢過商宗右武崇儒治道隆總攬乾
綱求治理羣臣臧否疏屏風用人論理見宸衷賞罰刑
威各至公天下監司二千石姓名都在御屏中家傳筆
法學光堯聖草行直說兩朝天縱自然成一體漫誇虎
步與龍跳泛索坤寧日一羊自然正位控詞章好生恭
儉傳千古風化宮娥只淡粧擊鞠由來豈作嬉不忘鞍
馬是神機牽韉絕尾施新巧背打星球一點飛宮槐映

日翠陰濃薄暑應難到九重節近賜衣爭試乃綵絲新
樣起盤龍角黍冰盤飴餠裝酒闌唱歇泛瑤觴近臣誇
賜金書扇御侍爭傳佩帶香一朵榴花插鬢鴉君王長
得笑時誇內家衫子新番出淺色新裁艾虎紗簾幙深
深四面垂清和天氣漏聲遲中宮閣裏催繅繭要趁新
蠶作五絲歲歲蠶登麥熟時密令中使視郊圻歸來奏
罷天顏悅喜阜吾民鼓玉徽小樣龍盤集翠裘金鬪緩
控五花駟繡旂開處鈞天奏御捧先過第一壽右詞藏
仁和郎瑛仁寶家後有洪武己未陵雲翰跋云宮詞五
十首乃寧宗后所撰理宗所書有辛未坤寧秘玩六字

與臣杜思忠模刻六字今亡二十首他日得其全補之
按宋史楊后涉書史知古今此詞爲后所作無疑但理
宗所書毋詩不應用秘玩圖書而辛字或是幸字理宗
或是寧宗也後人錄訛亦欠跋明耳今併錄之凌雲翰
字彥狎錢塘人元貢士也

按寧宗楊皇后少以姿容選入宮侍寧宗忘其姓名
云會稽人時有揚次山者亦會稽人后自謂其兄弟
也送姓楊氏慶元二年封婕妤六年進貴妃恭淑皇
后崩宮中未有所屬貴妃與曹美人俱有寵韓侂胄
以寶妃任權術而曹美人柔順勸帝立曹而貴妃頗
涉書史知今古復機警帝竟立之后由是銜侂胄會
其用兵中原再開金釁立與史彌遠定計
殺侂胄於玉津園此云楊后淳安人者誤
又按楊皇后性慈祥善恤民隱當理宗卽位后尚垂
兼稱制時兩浙賦役甚重困向例每戶增一丁卽加

賦若干名爲生子錢以故睦州人苦之凡生子多不舉至有一村寥寥數人者開禧元年十一月御筆畫免兩浙生子錢僉謂出自后意自是睦州生齒日甚民咸德之

楊妹子

恭聖皇后之妹會稽人

真蹟目錄 楊妹子題劉松年琴鶴圖詩清獻先生無一錢故應琴鶴是家傳誰知默鼓無絃曲時向珠宮舞

列仙

披楊妹子書法類寧宗御府畫多命題詠其題馬遠畫尤多題語每關情思人或譏之題後各有楊姓之章一小方印

吏隱錄 嘗觀馬和之四小景有楊妹子各題一絕云

人道中秋明月好欲邀同賞意如何華陽洞裏秋壇上
今夜秋光此處多石楠葉落小池清獨下平橋弄扇行
蔽日綠陰無覓處不如歸去兩三聲清獻先生無一錢
故應琴鶴是家傳誰知跌鼓無絃曲時向珠宮舞列仙
雨洗東坡月色清市人行過野人行莫嫌犖爾坡頭詠
自愛鏗然曳杖聲

南宋院畫錄 乾隆八年三月十四日至吾友周少穆
欣託書齋出觀馬和之小幅上有楊妹子題卽雨洗東
坡一詩也字畫秀逸款云楊妹子下有雙龍小園邱和
之二小字在下方卽四景之一也少穆云得於浙江

黃昭儀

名清蕙字冲華位昭儀德祐丙子隨三宮入燕
金姬別傳 李嘉謨以部發歲運至元都夜對月歌曰
萬里倦行役秋來瘦幾分因看河北月忽憶海東雲夜
聞鄰婦倚樓泣者明日訪其家此婦泣曰客非昨夜悲
歌人乎此亡宋昭儀黃清蕙寄汪水雲詩我亦宮人金
淑德也昭儀舊同供奉極相親愛今水雲流落異鄉彼
且爲泉下人矣

按東園客談有昭儀王清蕙賦滿江紅詞揚儀金姬
別傳作黃蕙清又一本作黃清蕙同此一人而姓名
互異未知孰是當時宮人能詩甚衆而吐屬秀雅無
過清蕙者觀其送汪水雲歸吳詩序云水雲留金臺

一紀琴書相與無虛日秋風天際東書告行此懷愴
然定知夜夢先至黃河也一時同人以勸君更盡一
杯酒西出陽關無故人分韻賦詩爲贈他時海上相
逢當各說神仙人語又豈以世間聲律爲拘拘耶殊
得蘊藉之致注水雲有女道士王昭儀仙遊詩云吳
國生如夢幽州死未寒金閨詩卷在玉案道書閒苦
霧衆丹旒酸風射素指人間無葬地天上有仙山此
乃相別後追輓昭儀之作而曰苦霧衆丹旒又曰人
間無葬地則其香魂難返白骨飄零之慘亦可概見
矣又當日宮人鄭惠真送水雲詩內云歸見林暹頓
說似唐僧三藏入天西豈清蕙作女冠而惠真亦記
跡元門耶然余每讀清蕙諸人之詩又未嘗不歎其
不能一死爲可惜也考至元十一年丙子二月伯顏
以宋謝全兩后以下北去五月二日抵上都朝見十
二日夜宮人陳氏朱氏與二小姬沐浴整衣焚香縊
死朱氏遺四言詩於袖中云旣不辱國幸免辱身世
食宋祿羞爲北臣妾輩之死守於一貞忠臣孝
子期以自新嗟夫如朱氏者賢於清蕙等遠矣

全浙詩話卷十二終